

մարդու իշխանությունը սրբազործող միակ պարզապես սեփականատիրական իրավունքն էր, որը նույնպես վերապահված էր ոչ միայն նահապետին, այլ մասամբ նաև նրա տիկնոջը /տանտիրուհուն/՝ հատկապես տնային տնտեսություն շրջանակներում:

ԷՍԹԵՐ ԽԵՄՉՅԱՆ

ԲԱՆԱՀՅՈՒՄԱԿԱՆ ՆՅՈՒԹԵՐԻ ԳՐԱՌՄԱՆ ՎԻՃԱԿՆ

ԻՋԵՎԱՆԻ ՇՐՋԱՆՈՒՄ

1. Ներկայիս Հայկական ՍՍՀ իջևանի շրջանը XIX դ. վերջերին մտնում էր Ելիզավետպոլի նահանգի Ղազախի գավառի կազմի մեջ: Իջե-վանի շրջանի ազգաբնակչությունը ազգագրորեն միատարր չէ: Ըստ Մա-կար Բարսեղադրյանի /Արցախ, 1895 թ./՝ իջևանի շրջանի /նախկին Ղա-զախի գավառի/ բնակչությունն ունեցել է երեք շերտ. ա/տեղաբնիկ-ներ, բ/Ղարաբաղի խաչներ, Ջրաբերդ և Գյուլիստան մելիքություններից տեղափոխվածներ, գ/ Արարատյան դաշտից /Ղըրխ-Քուլաղ, Արզն ու Գամ-րեզ գյուղերից/ տեղափոխվածներ: XX դ. սկզբին /15-20-ական թթ./ մի շերտ ևս ավելացավ՝ զաղթականություն Արևմտյան Հայաստանից:

Ներկայումս շրջանի գյուղերի ազգաբնակչությունը ազգագրորեն միատարրվել է, սակայն բանահյուսական նյութերի դասակարգման տեսա-կետից պետք է տարբերակել երկու շերտ. ա/ արևելահայ, բ/ արևմտա-հայ:

2. Չնայած XIX դ. վերջին բանահավաքչական աշխատանքները լայն թափ ստացան, սակայն Ղազախի գավառում այդ աշխատանքներն անշան-չափով են տալիս: Ելնելով արխիվային ու տպագրված նյութերից, Ի-ջևանի շրջանի բանահավաքչության պատմությունը կարելի է բաժանել երեք ժամանակահատվածի: Ա. XIX դ. վերջի բանահավաքներ /Քաջբերդ-նի, Խաչատուր Շահնազարյան/, Բ. XX դ. 20-30-ական թթ. բանահա-վաքներ /Գեղամ Թարվերդյան, Նիկոլ Սարգսյան/, Գ. XX դ. 50-80-ա-կան թթ. բանահավաքներ՝ ՀՍՍՀ ԳԱ Հնագիտության և ազգագրության ինստիտուտի բանահյուսական գիտարշավ /Ա. Նազինյան, Վ. Սվազյան, Ա. Կարապետյան/, Ա. Կարապետյան՝ 1957 թ. մինչև այժմ, Է. Խեմ-չյան՝ 1970-1976 թթ., Երևանի պետական Համալսարանի ուսանողական բանահյուսական գիտարշավ, 70-ական թթ., Ն. Հակոբյանի ղեկավարու-թյամբ:

3. Իջևանի շրջանի բանահյուսական երկացանկը պայմանավորված է ազգաբնակչության վերոհիշյալ շերտերի, որպես ազգագրական տարբեր շրջանների ավանդույթի կրողների, միջավայրում բանահյուսական նյութ-

թի կենցաղավարման աստիճանով:

Բանահյուսական տարբեր ժանրերի գրառման մակատազիրը տարբեր կերպ է դասավորվել: Նախորդ շրջանի բանահավաքների աշխատանքում զգալի է նախասիրության առկայությունը, այսպես՝ քաջերունին գրառել է մանկական երգեր, խաղեր, սկսվածքներ, սովորություններ, Գեղամ թարվերդյանը՝ նոր շրջանի երգեր, Ն. Սարգսյանը՝ առած-ասացվածքներ: Վերջին շրջանի բանահավաքները միտում են ունեցել գրառել առանց բացառության բանահյուսական բոլոր ժանրերը: Սա պայմանավորված է ավանդական ժանրերի կենցաղավարման տագնապի նվազմամբ:

4. Մեր գրառած բազմաթիվ բանահյուսական նյութերի քանակով ու կենցաղավարման աստիճանով կարելի է եզրակացնել, թե հատկապես որ ժանրերն են բավարարում ժամանակակից ունկնդրի պահանջները: 1930-ական թթ. ստեղծված երգերը դուրս են եկել կենցաղավարումից, մինչդեռ վաղ ավանդական բանահյուսությունը /առած-ասացվածքները, զվարճախոսությունները, զրույցները և այլն/:

5. Բանահավաքչության արդի փուլում բանասացների քանակի նվազման և բանահյուսական երկացանկի ավանդույթի ինչ-որ չափով խզման պայմաններում մեր խնդիրն է հնարավորության սահմաններում գրառել և ապագա բանագետների քննությանը հանձնել դեռևս կենցաղավարող բանահյուսական նյութերը:

ԺԱՆՆԱ ԽՈՒՐՇՈՒԴՅԱՆ

ԺՈՂՈՎՐԴԱԿԱՆ ԲԱՆԱՎՈՐ ՍՏԵՂԵԱԳՐՈՒԹՅԱՆ ԿԵՆՏՐԱԿԱՐԾԱՆ
ԱՌԱՆՁՆԱՀԱՏՎՈՒԹՅՈՒՆՆԵՐՆ ԱՐՑԱԽՈՒՄ /ՀՍՏ ԼՂԻՄ-ի ՄԱՐՏԱԿԵՐՏԻ
ՇՐՋԱՆԻ ՆՅՈՒԹԵՐԻ/

1. Ժողովրդական բանավոր ստեղծագործություններ մեր օրերում, կապված կենսամակարդակի փոփոխման և հատկապես ինֆորմացիոն լայն հնարավորությունների հետ /մամուլ, դադիր, հեռուստացույց և այլն/ ունի յուրօրինակ դրսևորումներ, որոնց պարզաբանումը բնագիտական առումով կարևոր պրոբլեմ է:

2. Նշված պրոբլեմի քննության համար ուշագրավ նյութ է տալիս ԼՂԻՄ-ի Մարտկերտի շրջանը: Այստեղ կան էթնիկ կազմը համեմատաբար անխառն պահած հնաբնակ հայկական գյուղեր և տարբեր պատմագագադական շրջաններից /Պարսկահայքից, Գանձակից, Սյունիքից/ ներգաղթած հայաբնակ գյուղեր և այլազգիներով /ադրբեջանցիներ, ռուսներ, հույներ/ բնակեցված բնակավայրեր: Վերջին տասնամյակում